

vel unius tantum membra conveniunt, triplices potissimum constituuntur. Addi quoque merentur conventus Principum (die Fürsten-Täg) conventus Comitum (die Grafen-Täg) conventus Nobilium (die Ritter-Täg) &c. qui omnes quomodo instituantur ac celebrentur, videre est apud eos, qui peculiaribus operibus de iis commentati sunt inprim. vero *Sprenger. Lucern. p. 63. Abasv. Fritsch discurs. de Conv. Com. Imp. Knipschild. de Nobilit. & de jure Civitat.* Nostrum hic est, de Nobilium conventibus ad meliorem Dissertationis nostræ intellectum nonnullas adhuc in medium proferre partitiones. Dividi autem vulgo solent in universales, cum omnium circulatorum Suevici, Franconici & Rhenani, & inferioris olim Alsatiae districtus Directores & Adjuncti conveniunt & Germanico idiomate gemeine Ritterliche Correspondenz-Täg dicuntur, & particulares, qui vel circulares sunt, Kreis-Täg, vel quaternionales, seu locales, Bierthels-Täg. Circulares vocantur, ubi unius circuli omnium quaternionum Directores, Capitanei ac Consiliarii congregantur, ad communicanda invicem de rebus ad Nobilitatem illius circuli spectantibus consilia. Locales sunt vel omnium membrorum, quando scil. omnes & singuli illius districtus Nobiles, alle Adelige Mitglieder, coeunt; vel Deputatorum tantum. De illis eruditè aliquot abhinc annis in solenniori panegyri differuit Gen. Dn. de Berckheim Consobrinus meus æstumatissimus, qui eo ipso ansam & occasionem mihi præbuit de posterioribus deputatorum scil. conventibus in chartam quædam conjiciendi. Sine ulteriori itaque mora ad rem ipsam transeo.

## CAP. II.

DE

## VERBORVM EXPLICATIONE.

**A**Ntequam autem ad materiæ per quatuor causarum genera evolutionem, methodum alias haud insuetam, descendamus, a nominis examinatione juxta receptum, nec suo usu carentem in Academiis morem, ordiri animus est. Occurrit autem primò vocabulum CONVENTVS, quod à voce composita CON-  
VENI-